

**ANOHOBA MESSIAH NO N'ESUAFO, JALSA SALANA WO BANGLADESH NA SAALO (SIERRA LEONE)**

Fida Nyamesemka: Kwakwar 8, 2013

(Friday sermon – 8<sup>th</sup> February 2013 – Fante Translation)

Hadhrat Khalifatul Masih sɔw nsem tsitsir a osii wo Anohoba Messiah n'esuafo a onam nokwar adaaso na nyikyere do wokyerekyerɛ hon kwan no. Jkaã de dem nsem yi twa hon nkitahodzi a wɔnye Nyankopon dzii nna Nyankopon so nye hon dzii,

Hadhrat Muhammad Zuhur ur Din Sahib (Nyankopon N'enyi ngye no ho). Jyee bai'at wo 1905 mu. Dza dze too gua nye de:

Da kor bi, nna meda me mpadua do ber a nna kɔm kɔkɔ dze me. Dem ber no nna wɔabɔ ewiaber duebien a me hokafo resaasaa me honam ma me. Nda faa me na mohun de jbaa bi a ofura tam eebir kitsa yabaa a merekye wo mu. Dze merekye no maa me na jkaã de esikyire wo merekye no mu ntsi mennka nunu mu ma wondzi afra. Ber a mehyee ase de mereka nunu mu no ara per nna m'enyido tsewee. Mekaã kyeree moho kafo no na m'ammfa annyɛ asem. Annkyer na jbaa bi a jhye atar eebir na okitsa yabaa baa fie ho. Jye m'esuafo no mu kor ne maame. Dze yabaa a merekye wo mu maa me na jkaã kyeree me de mennka esikyire no nnunu mu. Moho kafo hwɛ dza jroko do yi na jkaã de dza esi yi kyere de me daaso no aba mu pɛpɛpɛ.

Hadhrat Khalifatul Masih kaã de jɔɔfabi a Nyankopon ma daaso ne nkyerasee ba mu de mbre wɔakyerɛw; yehu no ha de jhotseweefo no kɔm kɔkɔ no abɔ adze. Hon a wɔnngye Nyankopon ndzi ka de dza osii ye adze a wodzii ehya ara, mbom nna Nyankopon ada no edzi dadaw. Mbre osi ma Nyankopon no Tum da edzi nye no. Jmaa jkehɛn jbaa jhotseweefo bi n'akoma mu ma obi no kɔm bɔ adze.

Hadhrat Maulawi Abdul Raheem sahib (Nyankopon N'enyi ngye no ho). Afe 1901 mu no osuae beyee jkadofɔ na jkaã de:

Aber a nna meye kyerekyerɛnyi wo ntoado skuul no wontwewontwe bi sii emi nye kyerekyerɛnyi panyin ntamu (wɔfre no Sher Ali Sahib) a jfa no agordzi ahorow ho. Emi nna meye agordzi ahorow jhwɛdofɔ. Meyee Tahajjud na woyii dem kasafua yi kyeree me "Akansi biara nnyi ho; eso agordzi biara nnyi ho". Moho ammfa me ntsi menntum annkehɛn nhyehyee no mu, eso onam nsu beredzedzedze a jɔtree ntsi akansi no amba do osiande wotwaa mu. Ber a Anohoba Messiah no tsee no jkaã de, me yikyere aba mu dze kyere m'akoma mu ntsewee.

Hadhrat Sheikh Atta Muhammad sahib (Nyankopon N'enyi ngye noho), jkaã de: Aber a ban no, no ho asem wo asɛndziibeɛ no, nna Anohoba Messiah (Asomdwe nka no) ko Batala. Jhyee de obiara a jɔso daa no onka nkyere no osiande Nyankopon aka akyerɛ no de

ɔno nye Yusuf Enu (Hadhrat Yusuf asomdwe nka no, no nuanom kaã awerehow nsem kyerɛɛ no de mbrɛ Anohoba Messiah no so no nuanom yɛɛ no). Mekaa m'adaaso bi kyerɛɛ Anohoba Messiah no de nna miridzi anamuna dɛɛdew na mubu bi ma meba banyan no anamuna no ɔkyenkyenee. Anohoba Messiah kyerɛɛ me ase de, morobɔ wo ɔba banyan a ɔnketsena ase. Na iyi yɛɛ ho; mowoo ɔba banyan kor so a otwaa mu koree ber a odzii abosoom dubiako.

Hadhrat Ameer Khan Sahib (Nyankopɔn enyi ngye no ho) osuae beyɛɛ ɔkadofɔ wo afe 1903 mu na ɔkaã n'adaaso pii. ɔkaã de:

Afe 1917 mu mosoo daa bi a nna banyan bi tse pɔnkɔ do rokɔ. ɔsee me de ɔdze Ahmad Ali aye ɔhen na membɔ mpaa mma no. Yɛmaa hen nsa do bɔɔ mpaa na odzii ndan. O'ennu beebiara na ɔhun de n'akɔfo no nam huntuma kumbɔɔ mu reba. Nna nsordaafo bi so a wɔye hon atamfo a wɔhyehye ntar soronkɔ a woegyina ɔkɔ nan papaapa. Obi a ɔwo adaaso no mu kyerɛ de akokɔnoma (peacock) wo ahoɔfɛw dze naaso otu tow ara a nna o'eguan. Dem nsordaafo so bepem adze. ɔkaã wo daaso bi so mu de:

Munua apanyin Chaundhry Atta Muhammad Sahib twee asaase ho manso bi wo asɛndziibea. ɔhun wo adaaso mu de noho kafo de obi fofor rehyia no ayefor. Dem adaaso yi baa mu ma odzii fo.

Hadrat Khalifatul Masih kyerɛɛ mu de, adaaso wo nkyerekyerem ahorow. ɔtɔfabi a adaaso ma nkorɔfo bɔ binom sombo eso ɔma honho hiahia hon. Se ehwe adaaso a obi fofor rehyia noho kafo ayefor yi a ɔkyere de obedzi fo. Hadhrat Ameer Khan kaã n'adaaso pii. ɔkaã iyi so:

Mosoo daa de m'awo ɔba banyin. Nna m'aka no afam moho na merekrantse Durood; mbom nna abofra no ye mberɛw. Mowoo ba banyin wo afe 1913 a Hadrat Khalifatul Masih a odzi kan (Nyankopɔn enyi ngye no ho) too no dzin Abdullah Khan. ɔye yarfo besi nde a o'edzi mfe eduonu anan wo afe 1913 a Hindu Sadhu a yar kɔta naaso nna no ho ye dzen. ɔdze n'ahodzen no kyerɛɛ mbrentse ama ɔ'atwetwe hon akɔ asɔrfi ntsenaa ho. Otum dze edur ye ayewabo ho (copper) ma ɔye hyenhyen de sika (gold). Memaa ɔyɛɛ 'sika'no ara per kwan a osuma ye sika daa edzi, mekaa kyerɛɛ no de me be ma ada ewia ntsi ɔtotɔɛ serɛɛ me de memma ɔnye esumasɛn demara. Afei mehɛɛ ase kaã nsempa no kyerɛɛ n'akadofɔ no ma ɔtɔɔ hon do ma wobisaa Anohoba Messiah no buukuu no ekyir kwan ama wɔakenkan. Me kaã kyere Sadhu de, Nyankopɔn adom ɔdasanyi tum pii a se ɔdze ye ndzepa a onya mfaso wo ho, se wɔannyɛ so a ɔhaw noara. Nyankopɔn adom ɔdasanyi ehumbɔbɔr tum. Yɛmfa no de, obi a wɔesisi no dze asem no kɔ asɛndziibea keper perperɛ wo ho na ɔnam de perperɛ tsia ehumbɔbɔr ntsi obiara enndzi dase wo ho a nna ehwe a oye? Ampaara de ɔnnye koraa. Medze mfatoho bi kyerɛɛ de nyankopɔn ama hen enyiwa de yɛmfa nhu adze se okwafo ammfa annyɛ edwuma a ɔbɔhwe ase. Iyi maa Sadhu n'akadofɔ kaã de Nyankopɔn ama nyimpa tum de ɔnwo ne saso na se ɔdasanyi annyɛ dem a henfa na mbabaa afɛfɛw befir aba? Medze sɔw do de se Sadhu n'awofo ennyhia mu a nkyɛ wɔanwo no. ɔyɛɛ Sadhu no

enyigye na ɔkaã de edzikanfo agye asɔrfi ntsenaa ato mu dadaw mbom Mirza Sahib akã nkontompɔ biara ahyɛ. Afei merekyere mu de, dem nyehyee yi ara so wodze ma anantwi a nkye yebeye den enya mbowa ma wɔama hen merekye na wɔaboa hen wɔ ekuadwuma mu? Aber a m'ano tɔree ara per nna Hadrat Khalifatul Masih I(Nyankopɔn enyi ngye no ho)puei wɔ adaaso no mu nna ɔreka Nyamesem fir Kuran mu de sunsum nyimdzee a nkorɔfo nya fi no ho, se odzi asɔrfi mu tsinaa ekwir a nkye wonnkenya. Menyane no wɔkyere mu kyere me dekwata a oenya no fir ɔdomankoma ne mbra no a ɔpowee no.

Hadhrat Khalifatul Masih kasaa ka de, demara so na ndzeyee bi so a ɔtsia ɔdomankoma ne nyehyee no ekuwekuw bi a wɔatsetsew nye mbrahye nyiamu enye mbrahye ekuwekuw bi ahye ase rehyehye mbra wɔ iynom ho. Se ɔba no dem a Nyankopɔn ne mbra so soer gyina, na se ɔsoer gyina a ɔnam do see amanaman. Dem ntsi, nde mber yi Ahmadiyyafo a wɔwɔ amanaman pii mu –wiadze mba no a wɔmmfa ndzamba a ommfir ɔdomakoma ho no dze no mu bi aye hon mbra-iyi ntsi ohia Istaghfar (bɔnfakye ne bisaa) ne nyee pii, amma ma yeanntɔ dɔnsuar annkehye mu bi.

Onoara so kã de:

Mosoo daa bi wɔ obiradzi bosoom, 1905 mu de murunu nam wɔ nsu korangyee mu ber a ehum rutu. Ber a ehum no bɔɔ adze ara na asaase wosow so yii n'enyim. Mobɔɔ momu adze de mereye asɔr ara na asaase wosow kor so sii. Nkorɔfo kaa de ɔye asaase wosow a osii ara keke na wodze ahye m'akoma mu de monko do mbo momu adze osiande asaase wosow kese bi reba. Na asaase wosow kese bi baa besee ndzamba pii.

Hadhrat Khalifatul Masih kaã de, afe 1905 mu na asaase wosow a wɔto no abew a onnhyia sii wɔ Kangra na asaase wosow pii so sisii.ɔye a ɔbeyee de iynom ye nsenkyeredze a ɔreda ɔkɔ kese edzi. Enyansasem a ɔwɔ dem gyinabew yi ho nye de mma obiara ennhen ahopopo mu ɔnam asaase wosow na atoyankyem ntsi. Mbom ɔwɔ de aber biara eka ko Nyame ho na etwe ben No na iyi nkotsee na ɔbema enya nkwã. Wɔahye nkɔm afa asaasewosow na atonyankyem pii wɔ hen mber a yewɔ mu yi ho- Anohoba Messiah ne mberdo yi a. Dem ntsi iyi so kyere de ɔwɔ de yeka ko Nyame ho na yetwe ben No.

Ameer Khan Sahib n'adaaso kor so a ɔsoo no wɔ afe 1905 nye iyi:

Nsu kese bi tɔree ma ehum kese tui. Iyi ma nkorɔfo guanee fii ndua ase kor petee bea do amma dua no emmbu enngu hon do. Mbom akɔhweaban na wɔhyiaa mu wɔ dua no ase ama woenya sumabew efi ehum no ho. Mbom hwe hon a wɔwɔ petee mu ho no nyinara ehum no kunkum hon. hadhrat Khalifatul Masih kyere mu de enyasasem a adaaso yi kyere nye de ɔtɔka de akɔhweaban mbom gye Nyankopɔn N'akɔmhyefo no to mu na wɔ wɔba hon ntamadan ase.

Onyaa adaaso bi so wɔ 1905 Obiradzi bosom no mu:

Muhuun de Anohoba Messiah (Asomdwe nka no) reye asɔr wɔ me fie. Owiee asɔr no, ɔko foow pɔnkɔ na ɔkor kan kakra no ɔkaa de wɔnka nkyere Hadhrat Nurudin ma ɔmboaboa no ho ntsemara. Afei ɔkyereew krataa tsia dze kaa kyere Hadhrat Nurudin de ɔmfa sika na

egudze na dza ɔkeka ho mbra. Mutuu mohoo mae dze krataa no kɔree. Aber a yeduur Makka no yehun nkokwaa nkakramba bi a mbosadwe na kaadoo wo do na esu korangye korangye retsentsen wo hon ntamu. Muhun de Nyame N'adom ara kwa nna esu korangye korangye retsentsen dem no; na se asaasewosow pia nkokwaa nkakramba yi gu famu a, nsu korangye korangye yi bɔfon. Hadhrat Khalifatul Masih kaã de Nyankopɔn na onyim dem daaso yi ne nkyereasee mbom obotum akyerɛ de nya ɔye nokwarfo na oetu no ho akye pɛpɛpɛ ama Nkɔmhyɛnyi Krɔnkrɔn (Nyankopɔn N'nyira na N'asomdwe nka no) ɔno nakadofɔ bɔbɔ mbɔdzen bio dze Islam mapã ne nkyerekyerɛ a ɔye nwanwa eso no ho tsew asesa wiadze; na dem eyiedzi yibɔkɔ do wo Khalifa n'akwankyerɛ mu ma amanaman ahorow enya mfaso wo ho.

Ameer Khan nyaa adaaso a odzidzi do yi so:

Muhun bosoom a ɔkyer ewia wo adaaso mu nda kumaabi ansaana Hadhrat Khalifatul Masih renya ne Nyame frɛ. Iyi na ɔmaa metsee no wu no ase.

Muhun krɔnkrɔnyi Hadhrat Khalifatul Masih II(Nyankopɔn N'enyi ngye no ho) de ɔka anyɛnkofo bi ho reye asɔr. Nda kumaabi ekyir no, ɔka ne nsefo ho bɔɔ mpaa maa Mirza Aziz Ahmad ne babanyin.

Afe 1912 mu no muhun Hadhrat Khalifatul Masih I (Nyankopɔn N'enyi ngye no ho) na n'anyankɔfo bi wo adaaso mu de ɔreka de ɔnnye no abodwe de etuatwefo bekeka nsem mbordo etsia Nkɔmhyɛnyi Krɔnkrɔn (NNN) a ɔnnkefa obu abre no na yetaa tsinkomm. Hen pe wɔde nkye wɔsɛɛ hon amma wɔnnhyehye no ahohoraa.

Muhun no adaaso mu wo afe 1913 mu de Hadhrat Khalid Bin Walid na Zarar bin Azwer kitsakitsa nkrantsee na woridzi nkunyim mu nkunyim. Nokwar mu, nna nkorɔfo regyaa hon akodze mu gu hon enyim ara ma Yazid mpo gyaa n'akodze mu guu hon enyim na ɔkekaa hon ho.

Muhun no adaaso mu wo afe 1913 mu de Hadhrat Khalifatul Masih I kitsa dua kese bi. Nantwibun bi a noho ye ntwema ntwema bɔe wura no na aber a ohun dua no ɔdze suro daan noho guanee. Hadhrat Khalifatul Masih I (NEN) kor beebi a wɔye ahyensew (seal) wo efiadze bi mu; nna ɔbarimba bi pɛɛ de wɔye Khalifat n'ahyensew a onndzi mu ma no. ɔwo efiadze ho ara na Hadhrat Khalifatul Masih I (NEN) kopuei ho. Efiadze wura no bisaa de ɔben ho anaa ma miyii ano de nyiew. Efiadze wura no suoo no mu gyinaa ho. Ber no ara nna obi aato Hadhrat Khalifatul Masih (NEN) akra wo apuntu bi ase a ɔrehye no enyimyam. Aber a ofiir edzi no nna dɔm ahye ho ma; mbom ɔbarimba no a ɔpɛɛ de ɔye ahyensew no a onndzi mu no eguan ma wɔhwewwɛ no a weonnhu no. Adaaso hyɛɛ Hadhrat Khalifatul Masih I (NEN) ne yarba wo mber tsentsen mu no ma. Demara so na Nawab sahib ne fie a ɔketsenaa ɔnam wimu nsesa ntsi, ɔnye Maulwi Muhammad ne nkrataa a otsintsimii faa Khalifat ho, dɔm pepe a wɔbaa Khalifa n'enyiase na Maulwi Muhammad Ali fi a ofii Qadian koraa no nyinara so hyɛɛ no mã.

Ebɔw 13, 1914 anafua no mosoo daa de ewo fi ne kyem mu rososo ma hen nyinara dzedze nkyense regye bi. Hadhrat Khalifatul Masih (NEN) kasaa faa daaso no ho de se muwu a Maulwi Sher Ali nguar me ansaana woye eyi. Oye monna na chotseweefo mapã. Mekaã dem adaaso yi kyere Sahibzada Mirza Bashir ud Din ntsemara. Maulwi Sher Ali sahib na nguar Hadhrat Khalifatul Masih I (NEN) ansaana woye eyi. Mennyim ara da de iyi nye m'adaaso ne nsunsuado na mbom m'adaaso no baa mu.

Hadhrat Mian Imam Din Saikhwam Sahib (NEN). Oye bai'at wo afe 1899 mu. Okaã de: Aber bi nna Anohoba Messiah (NEN) no rutu mpansar ma memaa no sika bi. Rupees a aka eduonu ma aso sika no ano pɛpɛpɛr. Oserewee na obisaa me mbrɛ m'apɔw mu tse. Mekaã de, Huzur, mosoo daa bi a muhun de medze dem sika yi ama wo. Anohoba Messiah no gye sika no.

Hadhrat Abdur Sattar Sahib (NEN) Abdullah ne ba no osuae (bai'at) beye okadofo wo afe 1892 mu na okaã de:

Moho kafo kaa kyere me de oso daa bi a Anohoba Messiah (NEN) no kye no Rupees ebien. Aber a wobuaa bim wo asem no ho no, Anohoba Messiah (NEN) kye me Rupees ebien, medze sika no maa me yer ma chyee adaaso no ma.

Hadhrat Mirza Afzal Sahib (NEN), Mirza Muhammad Jalal ud Din Sahib ne ba no a oye bai'at wo afe 1895 mu no kaã de:

Aber a Anohoba Messiah (NEN) baa Jhelum wo afe 1903 mu no moso mokɔr bi. Dom kukuankoma behyiaa ho bohwee no. Anohoba Messiah (NEN) no sii no ewur dem ber no de Ahmadiyyah Kuw ye Nyankopɔn Ne kandzea na nkorɔfo a wɔreper edum no no nnkotum ara da. Hadhrat Sahibzada Lateef Shaheed kaã de dem aber yi nna Nyankopɔn ahye no dadaw de ombɔ afɔr mpɛn ebiasa a nkye obeye.

Hadhrat Khair Din Sahib (NEN) Mustaqeem Sahib ne babanyin a oye bai'at wo afe 1906 mu. Okasae faa Ahmadiyya Khalifa a odzi kan n'adom ho kaã de:

Mosoo daa a ofa no pɔnkɔ odehye oye nwanwa a oben bea a woiesie mpodua wo ho. Annkyer na ehum a mfutuw ahye no ma hye ase de orebɔ nna ose ehum a odze huntuma nam wo ewiafirber anafuamu. Wɔdze huntuma na mbosadwe akata ho. Mehyee ase de meresie mpodua no; a oye de oye Hhadhrat Khalifatul Masih (NEN) dze no. mekyerew dem adaaso yi kema Khalifatul Masih (NEN) no, obuaa de 'Adze biara a me nsa aka no eenya no mu kyefa'.

Hadhrat Allah Ditta sahib (NEN), Mian Abdul Sittar sahib ne babanyim a, oye bai'at wo afe 1898 mu, okaã de:

Muhun nyikyere nwanwaso ahorow wo Khalifatul Masih I (NEN) n'aber do. Wo Hajj mber mu, da kor muhun wo adaaso mu wo Tahajjud mber bi, muhun mbarimba ebien bi de woridzi nkɔmbɔ. Nna kor reka de Nkɔmhyenyi (NNN) n'esuafo no hon enyim hyeren na yebotum ehu hon wo ha. Nna kor so reka de nyɛo! yebotum ehu hon enyim efi Jhelum. Kor ka de hwe, na mo hwee na muhun de dan fɛfɛw bi a wɔdze nhwehwe ekur do na wɔdze bi

so aye ne afasin. Muhun de Nkomhyenyi na Khalifafo baanan no tsetse ngua do wo ho. Nna oye bea a ho yefew papaapa. Afei, muhun Hadhrat Uthman (NEN) per de ogyina ho na muhun Hadhrat Abu Bakr nkotsee so a nna ose Khalifatul Masih I, na asem yi ba m'akoma mu de, Abu Bakr ne gyinabew tse de Khalifatul Masih I (Maulwi Nuruddin). Me kyereew adaaso yi kema Hadhrat Khalifatul Masih I na oka de nyeo, adaaso yi ye kronkron.

M'sanee so hun Hadhrat Uthman de rema me edziban bi a wofre no Pulao, nna Nkomhyenyi so rema me halwa edziban de m'emfa nkyekye. Na medzii Anohoba Messiah no ekyir nye no yee asor na ekyir no memaa no nsu ma onomee. Muhun de nna ogyina koko bi do nna moso megyna amona bi mu. Osuoo me nsa mu twee me begyinaa ne nkyen. Muhun de Anohoba Messiah retsetsew nhyiren na moso me ketseew bi na medze maa no. muhun de nna mowo Makka na mereye Hajj na morobo Kaba no ho aporow. Na muhun nduadzewa pii wo Kaba no ho. Ohotsewfo bi nso nyaa moho nsempa. Tahajjud ber na Maulana Rasool Rajiki hun de odziadze nyi no aba Qadian. Na nkorofa a nna wore hyia no no nna meka ho na medze Ahmadiyya nkyia rekyia no. M'nye Maulana Rajiki a nna orupuu odziadze nyi no. Dem ntsi mekaa kyere odziadze nyi no de ma onnsuro na orenye hon hwee na mowe de hwee rinsi.

Hadhrat Sheikh Muhammad Ismael sahib oye Sheikh Museeta ne babanyin a oye bai'at wo 1894 mu no ka adaaso bi de; Muhun de Jama'atfo nyinara ehyia ture bi mu. Esikafo wo bea kor bi do nna ehiafo so wo bea kor bi do. Esikafo no yii Maulana Abdul Kareem Sialkot de hon kandzifo, nna ehiafo no so yii me de hon kandzifo. Na woyee nhyehyee de Maulana Rajiki bedzi kan akasa ansaana moso m'akasa. Maulana kasaa faa n'khalifat ahendzi ho na mo sree kasaa faa Hadhrat Nuruddin ne Khalifat ahendzi ho na ntsemara Maulana Sialkot huruwee mpen ebiasa na okotoow Maulana Nuruddin n'anan adze na oka de oye no bai'at na oye. Hadhrat Khalifatul Masih ka de dem daaso yi wonyaa no wo Anohoba Messiah n'aber do. Iyi nna oja Khalifat ho na ber biara Nyankopon eyi nyikyere a oja Khalifat ho akyerere nyimpa pii.

Huzur ka de, nde Bangladesh na Saalo (Sierra Leone) jama'at no reye hon Jalsa Salana (Afenhyia Ehyiadzi). Afe yi na Bangladeshfo dzi hon Mfenhyia oha (100 years) a Ahmadiyyah bebba adze wo Bangladesh. Demara so na Ahmadiyyah ezi mfenhyia oha wo Ngyiresi Aborokyr man mu (Britain). Jama'at a wowa Ngyiresi Aborokyr man mu reye nhyehyee a wodze bedzi afe yi. Demara so na Bangladesh Jama'at reye hon Jalsa, ne tsitsiri gyina iyi do. Bangladesh Jama'at yee nhyehyee de nkye wo benya agor prama bi a so de mbre dwuma dzi nyinaraboko do wo ho. Naaso beye de ndaasanyi Mullahfo nye hon ekyirdzifo beye nyimpadom mpem ebien anaa abiasa kesee ndzamba a nna wodze rebe ye Jalsa no. Wo aber a nna aban opolisifo gyina gyina ho rehwe hon, dom a wokor ho no nna Jama'at Islamiafo ka ho. Atanfo yi see ndzamba nyinara dze gya too mu hyew ne nyinara dwerebee. Ndzamba a woke gyegyee na woetua ho kaw no nyinara see a odze kaw mpempem aba. Woyinom wofre honho de woye Islam ekyirdzifo. Iyi amma woenntwa Jalsa no ye mu mbom wore ye no

wɔ Jama'at asaase do. Mbom hɔ bekyer dze. Yebo mpaa de Nyankopɔn mbo hɔn a wɔaba Jalsa nyinara nye ahɔho a wɔfi amanadze nyinara ho ban asomdwee mu. Nyankopɔn mma Mullahfo hɔn esusubɔn no nsunsuado mbo hɔnara hɔn do. Kaw aJama'at abɔ no dɔɔsɔ. Nyankopɔn nhye hɔn anan mu. Wɔ hia mpaebo pii. Nsonsoree a ɔda Saalo (Sierra Leone) edzikanfo hɔn ntamu nye de, wɔdze eyiedzi nkrato nna asɔr ye abre Ahmadiyafo. Na pii nara so na wɔaba nhyiamu no ase bi. Hom mma yembɔ mpae mma Saalofo hɔn Jalsa no de ɔbeyɛ nkunyimdzi kese. Ampara de wɔakyere nyimpa ho dɔ de wɔaba boa hen ehyiadzi yi. Hom mma yembɔ mpae de ehyiadzi yi beyɛ nhyira na adom. Hɔn a wɔaba Jalsa no ndzi yie. Nyankopɔn N'adom ara ntsi Saalo Jam'at ye etuhoakye nye nokwar Jama'at. Nyankopɔn nto hɔn nokwardzi mu na ɔmboa ma ɔman yi nye Ebibiman nyinara mbeyɛ Ahmadiyyah a ɔye nokwar Islam no.

Iyi ekwir no Huzur bɔɔ efunsie abiasa bi ho dawur. ɔnuwa Karifa Konday ye ɔsuanyi wɔ Saalo Jamia, ofii mu wɔ Sanda bosoom ne da a odzi ewieno (31<sup>st</sup> January, 2013). Nna ɔreyɛ edwuma aboa Jalsa Salana nna ɔpaa fii atwer do bebɔ famu ma opiraa opirator, wɔdze no kor asopitsi ntsemara naaso ɔannye yie. Ber a wɔreper asa no yar no ara nna ofii mu. Ofi Guinea a ɔben Saalo. ɔye ɔhotseweefo eso ɔye osuanyi a ɔbo no ho mbɔden papaapa. ɔno nko na ɔye Ahmadiyyanyi wɔ n'ebusua mu. Mfeda ɔkor de ɔrekedzi akwanma no n'awofo enyi gyee no ho ɔnam nsakyer soronkɔ a aba no mu; ɔnam do ma n'awofo no so beyɛ Ahmadiyyafo. Karifa Konday totɔe serɛ nsefo de wɔnsɔr mma no de ber biara a owu bɔto no nna ɔye Ahmadiyyanyi.

Chaundry Bashir Ahmad sahib. Ofii mu wɔ mfeda ɔbrɛfɛw bosoom ne da a ɔtɔdo eduonu anan wɔ ber a nna o'edzi mfe eduawɔtwe ebien. Nna ɔye Anohoba Messiah n'esuafo no mu kor ne ba. Otumii soom Kuw yi mfe eduosia biako. Khalifafo abiasa na ɔsomee wɔ hɔn mber do. ɔnam ne gyedzi ntsi wɔdze no too efiadze mpɛn ebiasa.

Abdul Ghaffar Dar sahib. Ofii atseasefo asaase yi mu wɔ Kwakwar 5, 2013, wɔ ber a nna o'edzi mfe eduokron esuon (97). Onyaa apɔwmudzen ara kepem n'ewiei. N'egya na ne nanabanyin nyaa adom soom Anohoba Messiah (NEN). Osuaa adze wɔ Jamia Ahmadiyya Qadian ma onyaa abɔdzin krataa a wɔfrɛ no Maulwi Fazil. ɔsoom Kuw yi mber pii. Onyaa kwan soronkɔ a ɔdze somee wɔ Khalifatul Masih II (NEN) aber do. Wɔpaam no de ɔnye Majlis e shura okuwba no nkwa danyinara.

Translated by: 1. Mr. Alhassan Kobina Atta-Wenchie  
(Tutor in English Language, Jamiatul Mubashireen, Ghana)  
2. Maulvi Alhassan Bashir Annan Sahib  
(Tutor, Jamiatul Mubashireen, Ghana)

Downloaded from: [www.jamiatulmubashireen.org](http://www.jamiatulmubashireen.org)  
Contact: [www.jamiatulmubashireen.org/contact-us](http://www.jamiatulmubashireen.org/contact-us)